

- 20 Especial Viticultura Decembro 2018, OSIL
- D.O. Ribeira Sacra

CARLOS G. HERVELLA



A produción da D.O. Ribeira Sacra ascende nesta vendima ata os 6.170.995 quilos.

As tintas superan o 93%

ÁNGELES RODRÍGUEZ

Logo dun ano no que os viticultores tiñan que enfrentarse co mío e coa pedra, a vendima desenvolvíase con éxito na Denominación de Orixe Ribeira Sacra, que se localiza entre as provincias de Ourense e Lugo. Os labores de recollida da uva iniciábanse o 11 de setembro e prolongábanse ata o 19 de outubro, deixando unha producción de 6.170.995 quilos. Sobrepásase así a barreira dos 6 millóns, algo que só sucedía noutrous dous anos na historia desta denominación: no 2011 cunha vendima de

6,9 millóns de quilos, e no 2015 con 6,2 millóns de quilos. "Dixemos que nos íamos mover na orde dos 6 millóns de quilos e así foi. Este foi un ano no que nos moveumos na normalidade en quilos e na calidade e, ao final, saíu o que saíu. Subimos un pouco e cando o ano é seco na vendima sempre falamos dunha calidade boa", asegura o presidente do Consello Regulador da Denominación de Orixe Ribeira Sacra, José Manuel Rodríguez.

A vendima, na que participaban 93 adegas, desenvolvíase ao longo de 39 días nos que a

José Manuel Rodríguez, presidente do Consello Regulador da D.O. Ribeira Sacra.



Ribeira Sacra, un referente




A vendima máis mediática

Ofoco mediático poñíase de xeito especial nesta vendima na Ribeira Sacra. Programas de diferentes canles de televisión nacionais desprazábanse ata os seus socalcos para amosar en


directo o complexo proceso de recollida da uva, "demostrando así o crecente interese pola nosa viticultura. Un interese que emanou do respecto pola tradición e pola dedicación das nosas xentes, valores intemporais que revisten na calidade dos nosos viños e no seu

recoñecemento internacional", indican desde o CRDO Ribeira Sacra. Precisamente nese contexto un grupo de xornalistas da agencia EFE gravaba na zona Quirogas-Bibei para a elaboración dunha reportaxe sobre a Ribeira Sacra destinada ao mundo anglosaxón.



uios de uva de moi boa calidade

do total



Transporte de uva nun dos viñedos da D.O. Ribeira Sacra.

D.O. Ribeira Sacra

C.R.D.O. Ribeira Sacra: Resumo de colleita nos últimos anos en kg.



meteoroloxía axudou e non se rexistraban precipitacións. "Cando a vendima é seca faiase máis despazado, é máis levadeira. Isto tamén lle permite ás adegas organizar a recollida segundo consideren porque, ao non haber perigo de enfermidades cada un vai vendimar segundo o que quere para os seus viños. Sen dúbida ningunha, beberemos viños dunha moi boa calidade", indica José Manuel Rodríguez.

A Ribeira Sacra é unha denominación moi marcada polo peso das tintas, con 5.753.325 quilos nesta colleita do total de 6,1 millóns de quilos recollidos. "Acostumámosnos a movermos no 93% de tintas e este ano creo que andamos polo 94%.

Subiu un pouco a porcentaxe porque o mildio atacoulle máis ás brancas e tiveron unha pequena baixa con respecto ás tintas", explica o presidente desta denominación de orixe.

Dentro das tintas sobresae claramente o dominio da variedade mencía con 5.207.735 quilos neste ano, o que supón un considerable incremento sobre a anterior campaña, con 4.656.820 quilos. Detrás dela sitúase a garnacha con 282.751 quilos e, en terceiro lugar, aparece a souzón con 84.906 quilos.

En canto ás brancas, cun total de 417.670 quilos, mantense como variedade principal a godello cuxa producción nesta vendima ascendía a 303.009 quilos, o que amosa tamén un ascenso en comparación coa pasada campaña, con 234.574

quilos. Tras a godello está a albariño (74.246 quilos) e logo a treixadura (31.101 quilos).

En definitiva, "cumpríronse as expectativas que barallaba o CRDO Ribeira Sacra ao principio desta campaña en canto a calidade e cantidade", conclúen desde este organismo. A vendima neste zona tense convertido ademais nun "verdadeiro motor económico que xera miles de postos de traballo directos e indirectos contribuíndo a un desenvolvemento sostible do territorio. Calculíase que xerou preto de 3.000 empregos directos e que produciu uns 3 millóns de euros en salarios", segundo o consello regulador.

Primeira vendima nocturna

Entre as novidades desta campaña na Ribeira Sacra está a realización da primeira vendima nocturna da denominación. Levábase a cabo en dúas adegas: Don Cosme e Finca Cuarta. "Lonxe de ser unha excentricidade vanguardista, a elección da noite para vendimar está xustificada desde o punto de vista enolóxico. A parcela a vendimar iluminouse cunha luz específica durante os días anteriores de modo que as vides non deixasen de realizar a fotosíntese durante a noite e que a savia fluise ata as súas puntas superiores, levando ás uvas os melhores minerais da terra de forma natural", explican desde o consello regulador. Ademais disto, proseguen desde a D.O., "as temperaturas baixas da noite favorecen que a uva chegue á adega a unha temperatura baixa, tamén de forma natural, de maneira que se potencien os valores aromáticos da variedade godello". En definitivas contas, a experiencia é outro exemplo máis de como na Ribeira Sacra se alían tradición e vanguarda para mellorar a calidade dos nosos viños".

BUSCA NUESTRAS
PRECINTAS DE GARANTÍA

XUNTA
DE GALICIA